

भारत नेट परियोजना

भारत नेट परियोजना के तहत छत्तीसगढ़ के करीबन छै हजार ग्राम पंचायत मन ल ऑप्टिकल फाईबर नेटवर्क ले जोड़े जाही । एला चलाय खातिर जिला स्तर म एक ठन उप समिति बनाय जाही ।

मुख्य सचिव अजय सिंह के अगवई म विधानसभा के मुख्य समिति कक्ष म ए संबंध म एक ठन बइठका राखे गीस । बइठका म चिप्स के मुख्य कार्यपालन अधिकारी एलेक्स पॉल मेनन ह प्रस्तुतिकरण के माध्यम ले बताइन हे कि अवइया बछर तक राज्य के पच्चासी ठन विकासखंड के पांच हजार नौ सौ सत्यासी ठन ग्राम पंचायत मन ल ऑप्टिकल फाईबर नेटवर्क ले जोड़े जाही ।

माओवादी समाचार

सुकमा जिला के एलाड़ मड़गू माओवादी हमला के मामला म पंद्रा झिन नामजद माओवादी के संगेसंग दू सौ अनजान माओवादी मनके खिलाफ मामला दरज करे गेहे । जिला के पुलिस अधीक्षक अभिषेक मीणा ह बताइन हे कि भेज्जी थाना म जउन माओवादी मनके खिलाफ मामला दरज होय हे । ओमा माओवादी कमांडर हिडमा, अर्जुन, एर्रा, सीतू अउ नागेश के नाव शामिल हे ।

उहे जिला के किस्टाराम के जंगल म आज कोमलपाड़ के तीर सुरक्षा बल अउ माओवादी मनके बीच मुठभेड़ होय के समाचार मिले हे । बताय जात हे कि ए मुठभेड़ म कोबरा बटालियन के एक झिन जवान घायल होगे ।

एती कांकेर जिला के पखांजूर म माओवादी मन ह एक झिन गांव वाले के हत्या कर दीन । छत्तीसगढ़ महाराष्ट्र के सीमावर्ती क्षेत्र म एटपल्ली के लांजी गांव म काली रतिहा माओवादी मन एक झिन गांव वाले के हत्या कर दीन ।

विस-बहिर्गमन

छत्तीसगढ़ विधानसभा म आज पानी के मुद्दा ल लेके विपक्षी कांग्रेस सदस्य मन ह सरकार के घेरे के परयास करीन । कांग्रेस के मोहन मरकाम ह मुद्दा ल उठावत कीहिन कि राज्य सरकार ह किसान मन ल पानी देके बजाय उद्योग मन ल पानी देवत हे ।

जुआब म नगरीय प्रशासन मंत्री अमर अग्रवाल ह कीहिन कि अनुबंध के तहत पानी के उठाव के आधार म राशि ले जाथे । ओमन कीहिन कि अनुबंध ले जादा पानी उठाय के मामला म डेढ़ गुना जादा राशि ले जाथे । कांग्रेस सदस्य भूपेश बघेल ह कीहिन कि राज्य म धान के फसल लगाय म रोक लगाय हे अउ उद्योगपति मन ल पानी दे जात हे । मंत्री के जुवाब ले असंतुष्ट होके कांग्रेस सदस्य मन ह नाराबाजी करत सदन ले बहिर्गमन कर दीन ।

प्राधिकरण बैठक

मुख्यमंत्री डॉक्टर रमन सिंह ह कीहिन हे कि राज्य के सरगुजा अउ बस्तर आदिवासी विकास प्राधिकरण के कार्यक्षेत्र म सौर सुजला योजना के तहत किसान मन के खेत मन म सोलर सिंचाई पंप लगाय के काम ल झटकून करे जाही ।

डॉक्टर सिंह ह विधानसभा के समिति कक्ष म सरगुजा अउ उत्तर क्षेत्र के संगेसंग बस्तर अउ दक्षिण क्षेत्र आदिवासी विकास प्राधिकरण मनके अलग-अलग बइठका लीन । बइठका म बताय गीस कि सौर-सुजला योजना के तहत दूनो ठन प्राधिकरण मनके बाईस ठन जिला मन म अब तक उन्नीस हजार ले जादा सोलर पंप मंजूर करे गेहे ।

किसान प्रदर्शन

राजधानी रायपुर म आज छत्तीसगढ़ मजदूर किसान संघ डहार ले अपन आने आने मांग ल लेके धरना प्रदर्शन करे गीस । एमा राज्य के दीगर जिला मनले आय किसान मन ह शामिल होइन । ए किसान मन ह सरकार ले स्वामीनाथन आयोग के सिफारिश मन ल लागू करे अउ एकमुश्त कर्जा माफी के मांग करत हे । संघ डहार ले अपन मांग मन ल लेके राष्ट्रपति के नाव एक ठन पाती घलो लिखे हे ।

कुंवर बाई निधन

स्वच्छता दूत कुंवरबाई के आज बीहनिया रायपुर के अंबेडकर अस्पताल म निधन होगे। बताय जात हे कि कुंवरबाई के उमर ह करीबन एक सौ छै बछर के रीहिन हे । कुंवरबाई के कुछ दिन पहिली तबियत खराब होगे रीहिस। कुंवरबाई के गृहग्राम म आज उंखर माटी काठी के कार्यक्रम करे गीस।

खबर के मुताबिक कुंवरबाई ह धमतरी जिला के कोटाभर्री गांव के रीहिस ओमन स्वच्छ भारत मिशन ले परभावित होके अपन गांव म जन जागरण म बहुत बढ़िया योगदान दीन। ओमन बकरी मन ल बेच के अपन घर म शौचालय घलो बनाइन। करीबन दू बछर पहिली एक ठन कार्यक्रम के दउरान प्रधानमंत्री नरेंद्र मोदी ह कुंवरबाई के चरण छूके पांव पड़े रीहिन। कुंवरबाई के निधन म राज्यपाल बलरामजी दास टंडन अउ मुख्यमंत्री डॉक्टर रमन सिंह ह दुख प्रगट करीन हे।

हुतात्मा पुष्पांजलि रैली

शहीद युगल किशोर वर्मा के निधन म श्रद्धांजलि दे खातिर निकाले गे मृतात्मा पुष्पांजलि रैली ह काली सिरागे। ए मउका म मुख्यमंत्री डॉक्टर रमन सिंह ह कीहिन हे कि ए रैली ले हमन ल युवा पीढ़ी जम्मां छत्तीसगढ़ अउ पूरा देश ह माओवादी मनके खिलाफ बढ़िया मुकाबला करत हे। ओमन कीहिन कि छत्तीसगढ़ ले माओवादी आतंक ह खतम हो जाही।

खबर के मुताबिक जुगल किशोर वर्मा ह पौर साल छै अगस्त के गातापार के जंगल म माओवादी संग होय मुठभेड़ म शहीद होगे रीहिस।

प्राधिकरण बैठक

मुख्यमंत्री डॉक्टर रमन सिंह ह कीहिन हे कि राज्य के सरगुजा अउ बस्तर आदिवासी विकास प्राधिकरण के कार्यक्षेत्र म सौर सुजला योजना के तहत किसान मन के खेत मन म सोलर सिंचाई पंप लगाय के काम ल झटकून करे जाही।

डॉक्टर सिंह ह विधानसभा के समिति कक्ष म सरगुजा अउ उत्तर क्षेत्र के संगेसंग बस्तर अउ दक्षिण क्षेत्र आदिवासी विकास प्राधिकरण मनके अलग-अलग बड़टका लीन। बड़टका म बताय गीस कि सौर-सुजला योजना के तहत दूनो ठन प्राधिकरण मनके बाईस ठन जिला मन म अब तक उन्नीस हजार ले जादा सोलर पंप मंजूर करे गेहे।

एक भारत-श्रेष्ठ भारत

भारत सरकार के एक भारत-श्रेष्ठ भारत अभियान के तहत रायपुर के राष्ट्रीय प्रौद्योगिकी संस्थान-एनआईटी म आज फूड फेस्टिवल के कार्यक्रम करे गीस।

खबर के मुताबिक ये अभियान ल देश के सांस्कृतिक विविधता ल बढ़ाय खातिर अउ लोगन मन ल दूसर राज्य के संस्कृति अउ परंपरा ले जानकारी देवाय खातिर करे जात हे। कार्यक्रम म विद्यार्थी मन ह गुजराती पकवान बनाइन हे।